

فی ۷ ربیع الاول سنہ ۳۲۷ و فی ۱۶ مارت سنہ ۳۲۵

جمعیت علمیہ اسلامیہ نك ناشر افكاريدر

مدیر مسئول :

معمار زادہ

محمد علی

سر محرر :

فاتح مجیز درسہ املرندن

مصطفی صبری

صاحب امتیاز :

فاتح مجیز درسہ املرندن

شہری احمد افندی

مندرجات

دوئلاز	مولد جناب بیہ مہری بی تقدیس
دین اسلامہ هدف مناقشہ اولان مسائلدن	عالم اسلامیت
سریستی مذاہب	صوماترا
سیاست شرعیہ	مفرقہ
دیانتک مدنیتہ لزومی	حربی سوء تفسیر
تاریخ اسلام صحائفندن	طلبہ علومک قرعہ امتحانلری
فوضودہ واقع فیروز بک جمعی	
ادبیات	
حقیقی شعرلرم	مصطفی صبری

نسخہ سی ۵۰ پارہ در

آبونہ اجرتی (پوستہ اجرتیہ برابر)	اسٹانبول ایچون :	ممالک اجنبیہ ایچون :
ولایات ایچون :	برسنہ لاک ۷۵ غروش	۱۸ فرانک
۸۵ غروش	الی آتانی ۴۰	۹,۵۰
۴۰		

درج ایدلمیان اوراق امادہ اولنماز

قارئلر مزرہ :

اکثر مقالاتہ ایات کریمہ واحادیث نبویہ درج ایدلمش بولندینی نظر اعتبارہ آلہرق رعایتسز لککہ بولنلہامسی
رجا اولنور .

درسمادت

بکر افندی مطبعہ سی - وزیرخان

عرض یولنده اولوب اولمديغنده ترددن کندی قورتارماز و برجته ترجیحه قناعت وجدانیه حاصل ایدمهزه بوقددرده ۱۹۰ نجی مادهده کی جزائک تعیننده باس کوریه مز . اما مقتولک سوء حال احبابندن وزنا- کارقله متصف ذواتدن اولمی کی قرآن قاطعه وجودنده ینه شرع انورله متحدم . بیلمم قارئلم نه درلر ؟ عرض ناموس بر جوهر کرانهادرکه خزینهلره دگیشلمز . آکا عارض اوله حق لکه هیچ بر وجهه تطهیر ایدیلمز .

شریعت مطهره محافظه انساب ایچون ناموس مسئله سنه اوقدر اهمیت و یرمش و اودرجه حکمانه دوشونمشدرکه تفصیلاتی کتب فقهیه لده مسطوردر . برملک اخلاق ناموسنک درجه عصمتیه تظواهر ایدر . ناموسه نظر ایدلمنجه شیازده اخلاق بشریه جعفرندن چیقار . اخلاقیز برملته ایه ترقی تصور ایدیلمز . بتابرین سیاست شریعه ده بوقبل معدوریت جزالیه نصادف ایده یورم .

۱ مامعی واز ا
تمیز جزا ضبط کتبه سنه

ابن حازم : فرید



دیانتک مدینه لزومی

نی آدم منفرداً طاعلرده کزوب اوت یمه لری فرض اولنسه بیله حرارت و برودتک شدندن و حیوانات و وحوشک تجاوز و دولتندن نفسی محافظه ایچون الیه و سکنا و اسلحه و بونلری تدارک ایچون یکدیگری الیه استمانه و اجتماعه و هله ایقای نوعی ایچون هر حالده تجامع و تناسله محتاج اولور .

حالوکه انسان مدنی تابع اولدندن اویه انفراد

و سفالتله یاشایه میجنی جهته لایعد و لایخصی مصالح و احتیاجات بشریه و مدنیهلرنی یکدیگریسک یاردمیه منتظماً تسویه و تأمین ایچون همه حال نی نوعیه اتحاد و تشکیل جمعیات ایتلری ضروری و طبیعیدر بواتحاد و اجتماعلر زوج ایه زوجهدن باشلا یه رق والدین ایه مولود و افراد عائله و قومشولر ، همشهریه ، وطنداشلر . ملتله ، دولتلر تشکیلنه قدر توسع ایدر . انسانلر طبعاً جر منفعت و دفع مضرت داعیه سیله مفلور و مجبور اولدولرندن بر جمعیت افرادینک یکدیگری ارسنده و یاخود مختلف و متفرق جمعیتلر میاننده مثلاً برینک محتاج اولدینی بر شیشه دیکری ده عرض احتیاج ایدر . و هر بری او شیئ نفسی ایچون استحصال و دیکرینی منع صدندن اصرار و طرؤ داولر پیدا ایدرک مجبوره لدر ، مقاتله لر واقع و بوصورته عرق بشریک آز و قنده منقرض اولور . ششو حالده بونلرک هم اجتماع و همده عدم تزاعلری لزومی لاید اولور . بوا یسه افراد و جمعیات مذکورهدن هر برینک هر درلو مطالب و حوایج ایدر کندوسنده برحق کوردیکی کی دیکرلری ایچونده او حقلک وجودنی تسلیم ایتیکه و کندو حصه استحقاقی مقدارنی استحقاب ایه دیکر افرادک حصه حقوقه تجاوز ایتامیکی وظیفه ایدنکه متوققدر . دیمک که افراد و جمعیاتدن هر بری ایچون برحق . برده وظیفه توجه ایدیور . هرکسک کندی حقوقندن خارجه تجاوز ایتامیسی وظیفه سی اولوب بو وظیفه سنی محله لان حرکاته جرم دنیور .

اشبو وظیفه و جرملر آخرینه تعلق ایتوب مجرد کندی نفسنده قالورسه وظائف نفسیه ، و جرائم نفسیه دنیور . حفظ الدیحه و مداوات ایه جسمی و علم و عبادات ایه روحی تربیه وظائف نفسیه دن و مفهوم مخالفلری جرائم نفسیه دندر . آخرینه اولان تعلق تجاوز درجه سنه و ارمیه رق خارجه برقه تأییدیه و یا

اولدینی فرض ایدلیدیکی حالده دخی هرکس اوعلملرك موجبنجه حرکت ایدر و حقوق و وظائفی تمامیه محافظه و عدم تجساوز خصوصنده اهتمام ایلریم؟ اول امرده بوعلملرك هرکسجه معلوم اولوب اوله مدینلی تدقیق ایدلم . کرچه بو حقوق و وظائف نوع انسانک خلقت و طبیعلری مقتضای اولدیفندن انسانلر ایچون طبعاً و فطره معلوم اولمسی لازم کلمرسده بوباید انسانلرك عمومک عقول و استعدادی مطرداً تام و کامل اولهرق مخلوق اولمدینی کی انسانلردن بر چوقلری ده عقول و افکارنی بر طاقم شوائب خارجه تأثیراتنه مغلوب ایدرك عقائی و فکرنی سلیم بر صورتده استعمال ایدمن عقول ناس بوباید یک متفاوت اولقله برابر باشاوجه اوج قسمه آریلور .

برنجیسی هیچ بر وسائل و وسائله مراجعت ایمکسزین طوغریدن طوغری به کندی رای و فکرنده اصلاً خطا ایتماسی فرض اولنان عقول کامله احتیایدركه بونلر پیغمبران عظام علیم السلام افیدیلرمن حضر اتندن عبارت اولوب آنلرك غیری بو درجهنی هیچ بر زمان هیچ بر کیمسه احراز ایدمه امشدنر .

چونکه هر عصرده بر قاج دهات فاضله بولنیورله بالانسبه آرا و افکاری او عصر افرادنجبه مدار اعتماد اوله بیلورسده بونلر دخی فون و معارف کی وسائله مراجعت ایمکسزین مجرد کندی عقل و اجتهدی ایله تعیین حقیقت ایدمه یور معافیه بوقیل دهات ارسنده بیله بر خیلی تباین افکار بولنیور برینک تحسین ایتدیکی دیکری تقییح ایدیور؛ هر بری ده دلائل معقوله سرد ایدیور . کرچه حق تعدد ایجز . فقط هانکسنک رایئنده اولدیی کسیدریله میور . پیغمبران عظام علیم السلام افیدیلرمن حضرائی بعدالاستنا افراد بشر میاننده طوغریدن طوغری به حقوق و وظائفی تعیین ممکن اولیور .

ماضنه وضعنه قابل اولمازسه وظائف داخلیه دینلور نی نوعنه بر منفعت و یا مضرت قصدی کی تجاوز درجه سینه وارهرق خارجهده بر قوه تأییدی و یا مانعه وضعی ممکن اولورسه وظائف خارجه و یا جرائم خارجه دینلور و هیئت اجتبعیه جه درجه تأثیری اعتباریه ایکی قسمه ایریلور . بریسی فقیره اعانه ایتک و یا اتمام کی که قارشو طرفده برحق تولید ایجز و بناء علیه اجرا و یا عدم اجرا ایچون برکونازجر و جبر اولماز دیکری قارشو طرفده برحق تولید ایدلکیچون قوه جبریه و قانونیه استعمال اولنور . و بو قسم وظائف خارجهیه مقابل قارشو طرفده ایجاب ایدن حقوق طبیعه ایکی نوعه تقریق اولنور .

برنجیسی : حقوق عادی و خصوصیه که مخالفلری یالکسز زجر و جبر اولنهرق برکونا مجازات اولتماز . ایکنجیسی : حقوق عمومیه و جزائیه درکه متجاوزلری حئلنده مجازات و عقوبات اجرا اولنور . اشبو وظائف و جرائم خارجهیه و حقوق زوج و زوجیه و والدینایله مولوددن باشلا یفرئاله و اقربا و قومشولر و وطنداشلره و افراد ملت و دولته و عموم انسانلره قارشو درجهده عمومباشیر و هر برینه مخصوص بر نام آلیر .

برر شخص معنوی دینک اولان دوللر آراسنده مرئی طویتماق لازم کلوب عموم جمیات بشریه اراسنده سعادت حقیقیه تعمیم و تجاوز ایدن وقایه ایچون وضع اولنسان قواعد حقوقیهده عهدیه . عرفیه . صاحبیه . حربیه ناملری ویریلور . اشبو اقسامدن افراد و یا جمیات ایچون خارجه قارشو برحق و وظیفه و یا جرم تشکیل ایمیانلری علم حکمت اخلاقیه . و برحق و وظیفه و یا جرم تولید ایدن اقسامی علم حکمت حقوقیه تعلق ایدر .

بوعلملر هرکسجه معلومیدر؟ و هر کسجه معلوم

بیتلریه تعریف ایتک ایستهدیکی نور درخشان محمدی . حضرت ابوالشردن ابتداء مطالع حباه کرامی تنویر ایده ایده پیشانی خلیه و اوئدن جبهه غرای اسماعیله انتقال الیادی . جین پرتو تشین اسماعیلندن اولاد واحفادینه منتقل اوله رق جناب (عدنان) ه قدر کلدی . و کاب قد علا باین ذری شرف کما علا برسول الله عدنان مؤداسنجه اونام کزینک باعث فخر ایدیمی اولدی .

عرب مستعربنه ک کافه سی کبی (عدنان) ک نسل نیل اسماعیلدن کهواره ذیب تجیل اولدینی محقق ومفخر عالم صلی الله علیه و آله وسلم حضرت تلرینک نسب مقدسی اصل اصیل مشارالیه منتهی بولندینی متفق ایسه ده جناب عدنان ایله زاده خلیل الرحمن آراسنده کی ذوات کرامک اسماعیسی — زمانک اوزاقلغندن اونودلینی جهته حقایقده علمای انساب . دوچار اختلاف اولشلرو آیری آیری بیانانده بولمشلردر . ذاتابی اقدس وافخم اقدی زده اجداد معالی نژادینی صایدقلمری صروده جناب عدنانه واصل اولنجه سکوت ودها یوقاریسی ایچون (کذب النسبون) بیوروب انتساب علم انساب داعیه سنده بولسانلرک معلومات وروایاتی طوغری اولمدیغی بیان ایدرلردی .

جناب عدنانک خلفای موسی زمانلرنده برحیات اولدینی روایت یادلدیکندن هجرت سنه دن تقریباً ۱۳۰۰ یاخود ۱۴۰۰ سنه اول کلدیکی آکلاشیلور . مشارالیه ک (عد) و (معد) اسمنده ایکی نجل نجلی دنیا به کش . لکن معد . وارث نور محمد اولمشدر . جبارهدن مشهور (نخت نصر) بنی اسرائیل کی عربلری ده قاصوب قاووردینی صیراده پیغمبران بنی اسرائیلدن ارمیا علیه السلام . امر الهی موجبنجه معدی حجازدن آلاق شامه کتورمش ومعد . اوراده نبی مشارالیه انظار صحابی آلتنده یشمشدر . بالاخره مکبه عودته تأهل ایدهرک سکز دانه اولادی اولمشدرکه بونلرک دردی

ایکنجی قسمی قوه علیه سیله برطاقم وسائله مراجعت و او وسائل تدقیق ونجری ایاسه وظیفه نبی وحسن و قیچی تعین ایدرکه وسائل مذکورده اعتباریه بونلر حقنده ایضاحات ویریه جکدر .

او چنجی قسمی کندی عقلیه هیچ برشی کسدره مدیکی کبی وسائل لازمیه ده تدقیق ونجری ایده میوب بر تقلید واعتقادایه ویا آخرنک اخطار ووصایایه ویا خودنفسندن صادر اولان افغالی وناسک کندوسله اولان معاملاتنی آیری آیری تجربه ایدهرک کندیلکجه برحق ووظیفه ویا حسن وقبی تعین وتغمین ایدر . بوقسم نفوس بشریه میاننده اکثریت تشکیل ایدن عوام طاقدیر . ایضاحات ویریه جکی بیان اولنان ارباب عقول مراجعت ایده جکاری وسائل اعتباریه بش قسمه تفریق اولنور . مابعدی وار

سیواس استیناف مدعی عمومیه کی کابی

مصطفی نقی



تاریخ اسلام صحائفندن

— ٦ —

« اجداد کرام پیغمبری وقصی بن کلاب » پیغمبر شناسان امتدن برذات عرفان ساهک « اگر نور محمدینک وجه آدمده اشراقی شطان کوره بیاسه یدی نبی مشارالیه سجده ایدنلرک ایایی اولوردی . یاخود روی ابراهیمده انورک لمعاتی نمروود مشاهده ایده بیلسه یدی کفر عناددن کهرک جناب خلیل ایله برلکده رب جلیله عبادت ایلردی » مألنده اولان

لوا بصرا الشیطان طلعه نوره فی وجه آدم کان اول من سجد اولو رأى النورود نور جاله عبدالجلیل مع الحلیل ولاعند